



Gwasanaeth
Mabwysiadu
Cenedlaethol

National
Adoption
Service

Achieving More Together /
Cyflawni Mwy Gyda'n Gilydd

Y Gwasanaeth Mabwysiadu Cenedlaethol



Y fersiwn fer

Crynodeb i blant, pobl ifanc ac oedolion

Mae adroddiad llawn ar gael hefyd. Gofynnwch
am gopi, neu gallwch ei lawrlwytho o ...

www.adoptcymru.com

Croeso

Roedd 2015/16 yn flwyddyn brysur. Mae gwasanaethau mabwysiadu'n gwella, ond mae gennym ni dipyn o ffordd i fynd. Roedd 6 blaenoriaeth gennym ni. Rydym ni wedi adrodd yn ôl ar ba mor bell rydym ni wedi cyrraedd.

Mae cynghorau lleol, mudiadau gwirfoddol a'r Gwasanaeth Mabwysiadu Cenedlaethol yn ymroddedig i wneud gwasanaethau'n well byth. Rydym ni wedi ysgrifennu cynllun ar gyfer 2016/17 sy'n dweud sut y byddwn ni'n gwneud hwn.

Roeddem ni eisiau dweud diolch yn fawr iawn i'r plant, pobl ifanc a mabwysiadwyr sydd wedi siarad gyda ni. Mae arnom ni ddyled i chi. Mae'r hyn rydych chi wedi ei ddweud wedi helpu ni i wella'r hyn rydym ni'n ei wneud


Y Cynghorydd Mel Nott,

Cadeirydd y Bwrdd Llywodraethu

Phil Hodgson, *Cadeirydd Annibynnol Grŵp Ymgynghorol y Gwasanaeth Mabwysiadu Cenedlaethol*

Suzanne Griffiths, *Cyfarwyddwr Gweithrediadau*

Beth yw'r Gwasanaeth Mabwysiadu Cenedlaethol



Lansiwyd y Gwasanaeth Mabwysiadu Cenedlaethol ym mis Tachwedd 2014. Felly dyma'r ail adroddiad blynyddol.

**Mae
gwasanaethau
mabwysiadu
yn gwella**

**Roedd 326 o blant wedi eu gosod
i'w mabwysiadu**

Roedd llai o achosion o oedi ar gyfer plant y mae angen eu mabwysiadu

Mae mwy o fabwysiadwyr wedi eu cymeradwyo

Cafodd cefnogaeth ei chynnig i bron yr holl rieni biolegol (97%)

Mae bron hanner y plant wedi cael deunyddiau sy'n adrodd stori eu bywyd

Mae mabwysiadwyr yn cael eu cymeradwyo'n fwy cyflym

Adroddiad 2015-16

Y flwyddyn ddiwethaf, dwedon ni wrthy ch chi beth roeddem ni'n bwriadu gwneud. Roedd 6 blaenoriaeth gennym ni.

- ✓ Cael y mabwysiadwyr iawn
- ✓ Llai o oedi cyn bod mabwysiadu'n dechrau
- ✓ Cefnogaeth well i pawb
- ✓ Gwrando arnoch chi
- ✓ Gwneud yn well yn gyffredinol
- ✓ Rhedeg y Gwasanaeth Mabwysiadu Cenedlaethol yn dda

Dyma sut rydym ni wedi dod ymlaen.

Cael y mabwysiadwyr iawn

Mae'r system yn gweithio'n well

Mae gennym ni fwy o fabwysiadwyr sy'n cael eu cymeradwyo'n gyflymach, sydd eisiau mabwysiadu'r plant a'r bobl ifanc y mae angen iddyn nhw gael eu mabwysiadu.

#GweldYPlentynCyfan yw ein strategaeth ar gyfer recriwtio'r mabwysiadwyr iawn. Mae hyn yn codi ymwybyddiaeth y cyhoedd o fabwysiadu, ac yn darparu syniad o'r plant y mae angen mabwysiadwyr arnyn nhw.

Llai o oedi

Torrom ni'r amser rhwng dechrau derbyn gofal a mabwysiadu

Mae llai o blant yn aros am fwy na 6 mis i gael eu gosod i'w mabwysiadu ar ôl y penderfyniad bod angen iddyn nhw gael eu mabwysiadu

Os yw hi'n anodd dod o hyd i'r mabwysiadwyr iawn, gallwn ni ddefnyddio'r Gofrestr Mabwysiadu Cenedlaethol. Daeth 51 o blant o hyd i fabwysiadwyr yn y ffordd yma yn 2015-16, sy'n well nag yn 2014-15.

Cefnogaeth well i bawb

Mae'r holl blant wedi cael gwiriad i weld pa gefnogaeth y gallai fod ei hangen arnyn nhw a'u mabwysiadwyr.

Mae gan fwy o blant ddeunyddiau sy'n adrodd stori eu bywyd. Ond gwnaethom ni ddim wella hwn cymaint ag yr oeddem ni wedi gobeithio. Rydym ni wedi gwneud hon yn flaenoriaeth i ni eto ar gyfer 2016-17.

Gwnaethom ni'n well gyda chefnogi rhieni biolegol.

Rydym ni bron wedi cytuno ar bolisi Cymru Gyfan ar gyfer talu lwfansau mabwysiadu.

Rydym ni'n parhau i weithio i helpu ysgolion a gwasanaethau iechyd i roi cefnogaeth well i blant a phobl ifanc sydd wedi eu mabwysiadu.

Gwrando arnoch chi

Gwrandawom ni ar fwy na 170 o fabwysiadwyr a 140 o blant a phobl ifanc.

Dywedodd mabwysiadwyr wrthym ni:

- Rydym yn falch ein bod ni'n fabwysiadwyr
- Does dim digon o gefnogaeth, yn enwedig ar gyfer iechyd meddwl
- Gallwn ni deimlo ein bod yn cael ein gadael ar ein pennau ein hunain
- Nid yw ysgolion bob amser yn gefnogol



Dywedodd pobl ifanc sydd wedi eu mabwysiadu wrthym ni:

- Nid yw disgyblion ac athrawon yn deall mabwysiadu
- Nid yw CAMHS (y gwasanaethau iechyd meddwl) yn deall mabwysiadu
- Rydym ni eisiau cymryd rhan mewn hyfforddi pobl mewn gwaith siwrnai bywyd
- Rydym ni eisiau grwpiau cefnogi a gwerysulloedd

Defnyddiom ni'r hyn a ddwedon nhw i ysgrifennu ein cynllun gwaith ar gyfer 2016-17

Gwneud yn well yn gyffredinol

Rydym ni'n gwella!



Mae'r Gwasanaeth Mabwysiadu Cenedlaethol yn cael ei redeg yn dda

Yn genedlaethol, rydym ni'n gwella oherwydd i ni wrando ar beth rydych chi wedi'i ddweud wrthym ni.

Mae'r rhanbarthau a'r cyngorau lleol yn gwneud yn well hefyd.

Mae'r mudiad gwirfoddol yn gweithio'n galed i ddarparu cefnogaeth a dod o hyd i fabwysiadwyr ar gyfer plant hŷn, brodyr a chwiorydd a phlant anabl.



Beth rydym ni'n bwriadu ei wneud yn 2016-17

Beth	Sut
Gwella cefnogaeth fabwysiadu	Gwrando ac ysgrifennu cynllun. Gwneud hi'n haws i ddod o hyd i wybodaeth a chynghor Gwneud yn siŵr bod ysgolion, CAMHS a gwasanaethau eraill yn 'ymwybodol o fabwysiadu' Cyrraedd cytundeb ar dalu lwfansau mabwysiadu Cynllunio sut i drefnu gwaith siwrnai bywyd ledled Cymru.
Gosod plant yn effeithlon ac yn gyflym	Trefnu cronfa ddata Defnyddio 'maethu i fabwysiadu' fel y gall mwy o blant mewn gofal gael eu mabwysiadu gan eu gofaluwr maeth Gwella sut rydym ni'n dod o hyd i'r teuluoedd iawn
Recriwtio'r mabwysiadwyr iawn	Cyflwyno #GwelDYPlentynCyfan ledled Cymru Cefnogi mabwysiadwyr nad ydyn nhw wedi cael eu paru gyda phlentyn eto
Gwneud yn siŵr bod y Gwasanaeth Mabwysiadu Cenedlaethol yn cael ei redeg yn dda	Parhau i osod targedau a gwirio ein bod ni'n cyrraedd nhw Cynllunio sut i gyflogi'r staff iawn gyda'r sgiliau cywir Gwneud yn siŵr bod pawb yn cofio 'meddwl am fabwysiadu' os na all plant fyw gyda'u teulu biolegol Gwneud yn siŵr bod gennym ni ddigon o arian i wneud gwaith da